



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-04/2-05-41335-98-1/19
Sarajevo, 25.12.2019. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

SKUPŠTINA KANTONA SARAJEVO
Služba za skupštinske poslove
- OVDJE -

Predmet: Odgovor na zastupničko pitanje, dostavlja se

Zastupnik Hamed Aljović, je na 15. Radnoj sjednici Skupštine Kantona Sarajevo, održanoj dana 19.11.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo postavio zastupničko pitanje kako slijedi:

"Molim Ministarstvo za rad, socijalnu politiku, raseljena lica i izbjeglice Kantona Sarajevo, da mi dostavi odgovor na osnovu čega i kojeg Zakona je izdato rješenje o reprezentativnosti Samostalnom sindikatu osnovnog obrazovanja i odgoja Federacije BiH – Kantonalni odbor SSOIO Kantona Sarajevo za nivo Kantona Sarajevo. Posebno zahtijevam da mi se odgovori kako je moguće da pomenuti sindikat dobije reprezentativnost, a da isti nema svojstvo pravnog lica i nije upisan u Registar udruženja koji se vodi kod Ministarstva pravde i uprave Kantona Sarajevo, a što je jasno potvrdilo Ministarstvo pravde i uprave Kantona Sarajevo u odgovoru na moje zastupničko pitanje broj: 01-05-23628-44/19 od 09.07.2019. godine."

Na navedeno pitanje, dajemo sljedeći odgovor:

Rješavajući po Zahtjevu za utvrđivanje reprezentativnosti Samostalnog sindikata osnovnog obrazovanja i odgoja Federacije Bosne i Hercegovine, Kantonalni odbor Kantona Sarajevo podnesenom dana 30.09.2015. godine, Ministarstvo za rad, socijalnu politiku, raseljena lica i izbjeglice Kantona Sarajevo, na osnovu člana 200. Zakona o upravnom postupku ("Službene novine Federacije Bosne i Hercegovine", br. 2/98 i 43/99), a u vezi sa članom 130. Zakona o radu ("Službene novine Federacije BiH", br. 26/16 i 89/18), donijelo je Rješenje broj: 13/04-34-25915/15 od 08.11.2016. godine kojim je utvrđena reprezentativnost ovog sindikata za područje djelatnosti osnovnog i predškolskog obrazovanja i odgoja na području Kantona Sarajevo.

Kao dokaz u provedenom postupku Ministarstvu su, između ostalih, dostavljena Rješenja Federalnog ministarstva pravde broj: 03-05-2-1659/12 od 29.01.2013. godine, broj: 03-05-2-1659/12 od 18.03.2013.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



godine, broj: 03-05-2-1659/12 od 07.01.2014. godine i broj: 03-05-2-1659/12 od 09.06.2014. godine, te Rješenje Federalnog ministarstva rada i socijalne politike broj: UP I 03-34/13-11/15 od 21.09.2015. godine.

Također, dostavljena je Potvrda Samostalnog sindikata osnovnog obrazovanja i odgoja Federacije BiH broj: 01-1055/15 od 12.10.2015. godine i Obavještenje Federalnog zavoda za statistiku o razvrstavanju dijelova pravnog lica prema klasifikaciji djelatnosti broj: 07-32.5-57693/13 od 04.04.2019. godine.

Članom 122. Zakona o radu ("Službene novine Federacije BiH", br. 26/16 i 89/18) (u daljem tekstu: Zakon o radu) propisano je da se sindikat smatra reprezentativnim ako je registrovan kod nadležnog organa, u skladu sa zakonom, ako se finansira pretežno iz članarina i drugih vlastitih izvora i ako ima potreban procenat učlanjenosti zaposlenih, u skladu sa ovim zakonom.

Iz naprijed dostavljenih rješenja Federalnog ministarstva pravde proizilazi da je Samostalni sindikat osnovnog obrazovanja i odgoja Federacije Bosne i Hercegovine registrovan kod ovog organa, dok iz Potvrde Samostalnog sindikata osnovnog obrazovanja i odgoja Federacije BiH i Obavještenja Federalnog zavoda za statistiku proizilazi da je Kantonalni odbor Kantona Sarajevo organizaciona jedinica ovog sindikata, odnosno njegov sastavni dio.

Iz navedenog je vidljivo da iz gore pomenutih dokaza proizilazi da Samostalni sindikat osnovnog obrazovanja i odgoja Federacije Bosne i Hercegovine, Kantonalni odbor Kantona Sarajevo ispunjava uslov pod kojim se sindikat smatra reprezentativnim, propisan članom 122. Zakona o radu, a to je da je registrovan kod nadležnog organa, u skladu sa zakonom.

Također, članom 126. Zakona o radu propisano je da, ukoliko je sindikat kantona organizacioni dio sindikata iz čl. 124. (sindikata koji je reprezentativan za područje djelatnosti) i 125. (sindikata koji je reprezentativan za teritoriji Federacije) ovog zakona, smatra se da ispunjava uvjete iz člana 122. tač. a) (da je registrovan kod nadležnog organa, u skladu sa zakonom) i b) ako se finansira pretežno iz članarina i drugih vlastitih izvora.

Kako iz Rješenja Federalnog ministarstva rada i socijalne politike, broj: UP I 03-34/13-11/15 od 21.09.2015. godine proizilazi da je Samostalni sindikat osnovnog obrazovanja i odgoja Federacije Bosne i Hercegovine reprezentativan sindikat za područje djelatnosti osnovnog obrazovanja i odgoja u Federaciji BiH, time je presumpcijom ispunjen uslov u pogledu registracije kod nadležnog organa i izvora finansiranja za organizacionu jedinicu ovog sindikata, Kantonalni odbor Kantona Sarajevo.

S poštovanjem,

Pripremila: Aldina Šantić, viši stručni saradnik
Kontrolisali: Zoran Timarac, šef Odjeljenja
Nuriya Hodžić, pomoćnik ministra

Belma Trajkov, sekretarka Ministarstva

Dostaviti:
1. Naslovu
2. Ministar
3. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

